

YEROO EEGUMSA IDIL- ADDUNYA AF IRRA DEEBIIN IYYATTAN WANTA BEEKUU QABDAN (IYYATA ITTI FUFAA)



Amma biyya EU+ Laativiya keessa jirtu.

Biyyoonni EU+ kan ta'an:



Biyyoota Miseensota Gamtaa Awurooppaa (EU) 27: Awustiriyaa, Beeljiyeem, Bulgaariyaa, Kirooshiyaa, Qoophiroos, Cheek, Deenmaark, Istooniyaa, Fiinlaand, Faransaay, Jarmanii, Giriik, Hangaarii, Xaaliyaan, Laativiya, Luutaaniyaa, Luugeembarg, Maalaa, Neezerlaand, Poolaand, Poorchugaal, Rippaabilika Aayerlaandii, Roomaaniyaa, Isloovaakiyaa, Isloovaaniyaa, Ispeen, Siwiidin fi



biyyoota biroo 4: Ayislaand, Lichetenistiyaan, Noorweey fi Siwuzerlaand.



QABIYYEEWWAN

Iyyanni itti fufaa maali?	3
Adeemsi isaa maali?	5
➤ Sadarkaa 1: iyyanni keessan irra deebiin galmaa'uu fi galuu qaba	5
➤ Sadarkaa 2: qorannoo dursaa iyyata keessanii	9
➤ Sadarkaa 3: iyyata keessan ogummaan qorachuu	11
➤ Sadarkaa 4: murtoo iyyata keessan irratti	12
Mirgoonni koo maali?	13
Dirqamoonni koo maali?	17
Yoon dirqama koo bahachuu baadhe wanti hordofee dhufu maali?	21
Yoo barbaaddan deeggarsa addaa ni argattu	23
Biyya keessanitti deebi'uu yoo barbaaddan maaltu ta'a?	24

➤ IYYANNI ITTI FUFEE MAALI?

Biyya EU+ kamiyyuu keessatti yeroo lammataaf ykn isaa oliif eegumsa idil-addunyaa (kooluugaltummaa jedhamuunis ni beekama) yeroo iyyattan, iyyanni keessan haaraan iyyata itti fufaa jedhama.

Iyyanni keessan inni haaraan iyyanni keessan duraanii biyya EU+ kan biraa keessatti yoo dhiyaatellee iyyata itti fufaadha.

Iyyanni itti fufee dhiyaatu ol iyyannoo murtii duraan isin qaqqabe miti. Iyyata itti aanu dhiyeessuu kan dandeessan yeroo adeemsi iyyata keessan duraanii ilaallatu xumurame qofa. Kana jechuun:

- iyyata keessan duraanii irratti murtii argattaniittu yoo ta'e
- ol iyyannoon adeemsifamaa jiru yoo hin jiraanne, fi
- yeroon ol iyyannoo dhiyeessuuf murtaa'e darbee yoo jiraate.

Murtee kanaan duraa irratti walii galuu dhabuun qofti eegumsa idil-addunyaaf irra deebiin iyyachuuf sababa hin ta'u.

Yoo iyyata itti fufaa dhiyeessitan, **wantoota haaraa (kan akka ragaa ykn sanadoota)** kanneen gaaffii eegumsa idil-addenyaa keessan deeggaran dhiyeessuu qabdu.



Wantoonni haaraan wantootaa gaaffii eegumsa idil-addunyaa keessan deeggaranii fi yeroo iyyannoo(wwan) keessan duraanii dhiyeessuu hin dandeenyedha.



Wantoonni haaraan sanadoota haaraa ykn ragaa isin argattan ykn taateewwan guyyaa murtiin ykn iyyata keessan booda raawwataman ta'uu danda'u fakkeenyaaf:

- taateewwan haaraa isin mudatan
- taateewwan haaraa biyya irraa dhuftan keessan keessatti raawwataman
- jijjiirama haala dhuunfaa keessanii irratti mul'atan.

Haala adda ta'een, wantoonni haaraan wantootaa yeroo iyyannoo keessan duraanii turan ta'uu danda'u, yoo sababoota armaan gadii keessaa tokko hojiirra oole.

- Yeroo iyyannoo keessan duraanii wantoota haaraa kana beekuun isiniif yoo hin danda'amne.
- Sababa gaariidhaaf, waa'ee wantoota haaraa kanaa dubbachuu yoo hin dandeenye ture. Haala kana keessatti, sababoota kana ibsuu isin barbaachisa.

Odeeffannoon iyyata keessan duraanii keessatti dhiheessitan ilaalcha keessa kan galu ta'a. Iyyanni keessan duraanii garuu lammata hin qoratamu.

ADEEMSI ISAA MAALI?

Eegumsa idil-addunyaa irra deebitanii iyyachuu keessan erga aangawootaa fi beeksiftanii booda (innis iyyata itti fufaa jedhama), adeemsa kana keessatti sadarkaawwan hedduutu jiru.

Sadarkaa 1. Iyanni keessan irra deebiin galmaa'uu fi galuu qaba

Galmee fi galfachuun wantoota armaan gadii hammata.



Ashaaraan qubaa keessan ni fudhatama.



Suuraan keessan ni fudhatama.



Sanadoota eenyummaa keessanii hunda, imala keessanii fi sanadoota barbaachisoo biroo kamiyyuu akkasumas sanadoota haaraa harka keessan jiran akka dhiheessitan isin gaafanna.



Odeeffannoo quunnamtii keessan (teessoo, lakkoofsa bilbilaa fi teessoo imeelii) akka dhiyeessitan isin gaafanna.



Sakatta'iinsa fayyaa gochuun isin barbaachisuu danda'a.



Isinii fi meeshaaleen dhuunfaa keessan sakatta'amu danda'u. Meeshaaleen dhuunfaa keessan qabeenya keessan ta'ee tura, meeshaalee balaa qaba jedhamee yaadamu kamiyyuu yoo ta'e malee isiniif deebi'a.



Kana ni gaafatamtu

- odeeffannoo dhuunfaa fi odeeffannoo waa'ee miseensota maatii keessanii biyya kana ykn biyya EU+ kan biraa (yoo jiraate) keessa jiraatan dhiyeessaa;
- sababoota iyyata itti fufaa dhiyeessan ni ibsaa.



Kanneen armaan gadii akka gootan ni gaafatamtu.

- Odeeffannoo fi sanadoota iyyata keessan deeggaran hunda galchaa. Kunis wantoota haaraa irratti hundaa'uun iyyannoo itti aanu qopheessitan of keessatti qabata. Wantoonni haaraa kun dhugaa haaraa ykn ragaa eegumsa idil-addunyaa akka isin barbaachisu agarsiisu ta'uu danda'u.
- Gaaffii waa'ee iyyannoowwan eegumsa idil-addunyaa kanaan dura dhiyeessitan deebisuu.



Odeeffannoon aangawootaaf qooddan kamiyyuu iccitii ta'ee ni tura. Odeeffannoon kun gonkumaa warra eegumsa irraa barbaaddaniif hin qoodamu.

► GALMAA'UU FI IYYATA KEESSAN GOLFACHUUN YOOMII FI EESSATTI ADEEMSIFAMA?

Erga eegumsa idil-addunyaa aangawoota gaafattanii booda iyyanni keessan galmaa'ee guyyaa wal fakkaataatti fi bakka fakkaataatti ni dhiyaata. Eegduu Daangaa Naanoo tiin galmaa'ee galfama



Iyyata keessan galfachuu xumuruun keessan baayyee barbaachisaadha. Yoo iyyata galfachuu xumuruu dadhabdan, sababni kufaatii kanaa to'annaa keessaniin ala yoo ta'e malee, iyyata keessan akka adda kuttanitti ilaalama. Kana jechuun sadarkaa iyyataa, mirga deeggarsaa fi tajaajila argachuu akkasumas mirga biyya kana keessa turuu ni dhabdu jechuudha.



Erga iyyata keessan galfattanii booda sanada oofishaalaa iyyataa eegumsa idil-addunyaa ta'uu keessan ibsu ni fudhattu.

Yeroo hunda of harkatti qabachuu qabdu.

Sadarkaa 2. Qorannoo dursaa iyyata keessanii



Iyyanni keessan erga dhiyaatee booda sadarkaan itti aanu **qorannoo dursaa iyyata keessaniiti**.

Yeroo qorannoo dursaa, wantoonni isin dhiyeessitan dhuguma haaraa ta'uu fi wantoonni kun bu'aa iyyata keessanii duraanii kan fudhatama dhabe jijjiiruu akka danda'an ni madaalu.




Yeroo qorannoo dursaa, af-gaaffiif affeeramuu dandeessu. Yoo af-gaaffiif hin affeeramne, qorannoon dursaa wantoota faayilii keessatti dhiyaatan gofa irratti hundaa'a.

Sababa qorannoo duraatiin iyyanni keessan, kan armaan gadii keessaa tokko jedhamuu danda’a:

- **fudhatama kan qabu**, ykn
- **fudhatama kan hin qabne**.

Iyyanni keessan **fudhatama kan qabu yoo ta’e iyyanni keessan caalaatti ni qoratama**. Kana jechuun istaandaardii adeemsa kooluugaltummaa tartiiba isaa eeggate hordoftu jechuudha.

Iyyanni keessan **fudhatama kan hin qabne yoo ta’e, caalaatti hin qoratamu, adeemsi isaas ni xumurama**. Sababoota iyyanni keessan fudhatama dhabeef aangawoonni isin beeksisu. Murtii kana barreeffamaan beeksifamtu. Murtii kenname irratti walii hin galle yoo ta’e, ol iyyannoo irratti dhiyeessu ni dandeessu. Gorsaa seeraa (abukaatoo) kaffaltii malee ol iyyannoo akka dhiheessitan isin gargaaru gaafachuu dandeessu.



Yoo iyyata keessan keessatti **wantoota haaraa** dhiheessitan fi **wantoonni haaraan kun eegumsa idil-addunyaa akka isin barbaachisu yaada kennan** Iyyanni keessan **fudhatama qabaata**.

Yoo wantoota haaraa eegumsa idil-addunyaa akka isin barbaachisu agarsiisan hin dhiheessine ta’e iyyanni keessan **fudhatama hin qabaatu**.

Iyyanni keessan fudhatama kan qabu yoo ta'e, tarkaanfiiwwan armaan gadii hojiirra oolu.

Sadarkaa 3. Iyyata keessan ogummaan qorachuu

Iyyanni keessan fudhatama kan qabu yoo ta'e, aangawoonni sababoota eegumsa idil-addunyaa gaafattanii fi maaliif gara biyya keessaniitti deebi'uu akka hin barbaanne (qorannoo ogummaa kan jedhamu) ni qoratu. Iyyanni keessan fudhatama kan qabu yoo ta'e, tarkaanfiiwwan adeemsa kooluugaltummaa sadarkaa isaa eeggate hordofa. Haa ta'u malee, yeroon iyyata keessan itti aanu qorachuuf qabdan saffisaa ta'uu danda'a.



Aangawaan kallattiin qaamolee galmee keessan keessa jiran irratti hundaa'uun murtoo gaarii fudhachuu yoo danda'e malee, af-gaaffii dhuunfaa irratti ni affeerramtu.

QORANNOO FAYYAA



Angawoonni mallattoolee ari'atamuu ykn miidhaa guddaa kanaan duraa isin irra ga'e ilaalchisee qorannoo fayyaa akka gootan isin gaafachuu danda'u. Qorannoon kun kaffaltii malee waan ta'eef eeyyama keessan akka kennitan ni gaafatamtu.

Waa'ee bu'aa qorannoo kan isin beeksifamu yoo ta'u, kunis madaallii iyyata keessanii keessatti tilmaama keessa kan seenu ta'a. Qorannoo aangawoonni hin gaafatamin yoo ta'e baasii mataa keessaniin qoratamuu gaafachuu ni dandeessu.

Sadarkaa 4. Murtoo iyyata keessan irratti



Aangawoonni eegumsi idil-addunyaa isiniif kennamuu fi dhiisuu isaa barreeffamaan isin beeksisu.



CARRAA OL IYYANNOO

Murtii kenname irratti walii hin galle yoo ta'e ol iyyannoo dhiheessuu ni dandeessu.

MIRGOONNI KEESSAN MAALI?

MIRGA TURUU FI DEEGGARSAA FI TAJAAJILOOTA SIMEESSAA ARGACHUU

Yoo iyyata itti fufaa kan jalqabaa keessan ta'e, akka seeraatti hanga qorannoon iyyata keessanii xumuramutti biyya kana keessa turuun isiniif eeyyamama.

 **Yeroo iyyanni keessan qoratamu turuun isiniif eeyyamamuu dhiisuu danda'a** kunis yoo:

- iyyata keessan isa lammaffaa ykn isa itti fufaa ta'e; yookaan
- eegumsa idil-addunyaa argachuuf kan iyyattan biyya kana irraa kaafamuu keessan dhihoo jiru tursiisuuf qofa ta'e.

 **Yeroo adeemsa ol iyyannootti turuun isiniif eeyyamamuu dhiisuu danda'a.** Haala kana keessatti sababoota fi yeroo adeemsa ol iyyannoo fi akkamitti akka turtan akka eeyyamamuuf gaafachuu yoo dandeessan aangawoota irraa ni beeksifama.

Turtii keessanitti **deeggarsa fi tajaajiloota simannaa** ni argattu; haa ta'u malee, isaan kun murtii dhuunfaa qaama dhimmi ilaallatu irratti **hundaa'uun daangeffamuu** danda'u. Waa'ee deeggarsaa fi tajaajiloota simannaa isin argattan odeeffannoo dabalataa barruu adda biraa irraa argachuu dandeessu.



MIRGA NAMA AFAAN ISINIIF HIIKU ARGACHUU QABDU



Yoo afaan Laativiya hin dubbattan ta'e, namni afaan hiiku yeroo galmee fi iyyanni keessan galfamu akkasumas yeroo af-gaaffii dhuunfaa keessanii, yoo adeemsifameef, aangawoota waliin akka wal qunnamtan isin gargaara. Namni afaan hiiku kaffaltii maleedha.

AF-GAAFFII DHUUNFAA KEESSANIIF GUUTUMMAATTI OF IBSUUF ISIN GARGAARA YOO TA'E NAMA AFAAN HIIKUU FI GAAFFII ISIN GAAFATU DHIIRA YKN DHALAA FILACHUU DANDEESSU



Sababa keessanii fi kan argamu yoo ta'e gaaffiin keessan deebii argata.

ODEEFFANNOO FI GORSA SEERAA BILISAA GAAFACHUUF MIRGA QABDU

Yeroo adeemsa kooluugaltummaa kaffaltii malee gorsa seeraa gaafachuu dandeessu.



Haa ta’u malee, **gorsa seeraa bilisaa argachuuf mirga qabaachuu dhiisuu dandeessu kunis yoo:**

- iyyata keessan isa itti fufuun dhiheessitan adeemsa deebi’uu ‘dhaabuu’ qofaaf ta’e, ykn
- kun iyyannoo keessan isa lammaffaa (ykn dabalataa) itti aanu ta’e.

GORSA SEERAA (ABUKAATOO) MARIISISUU NI DANDEESSU

Gorsaan seeraa nama aangawoota waliin walitti dhufeenya uumuu keessatti gargaarsa seeraa dhuunfaa ykn bakka bu’ummaa isiniif kennudha. Adeemsa koolugaltummaa sadarkaa kamittuu baasii mataa keessaniin gorsaa seeraa mariisisuun mirga keessani.



Yeroo ol iyyannoo gorsaa seeraa bilisaan gaafachuu dandeessu, yoo qabeenya baasii bakka bu’ummaa seeraa keessanii uwwisu qabaattan malee.

Akka isaan waa'ee iyyata keessanii isaan beeksisuu danda'aniif odeeffannoo gorsaa seeraa amma qabdan aangawootaaf qoodaa.

EJENSII BAQATTOOTA MOOTUMMOOTA GAMTOOMANII (UNHCR) YKN DHAABBILEE BIRAA WALIIN WALQUNNAMTII GOCHUU NI DANDEESSU

Tarkaanfii kamiyyuu adeemsa kooluugaltummaa keessatti UNHCR ykn dhaabbilee michuu isaanii qunnamuu fi haasofsiisuu dandeessu.



UNHCR dantaa fi mirga kooluugaltootaa fi baqattootaa ni eega. UNHCR ykn dhaabbileen michuu isaaniis kooluugaltootaaf odeeffannoo fi gargaarsa ni kennu.

Odeeffannoo quunnamtii UNHCR akkasumas odeeffannoo adeemsa kooluugaltummaa fuula marsariitii UNHCR <https://help.unhcr.org/> irraa argachuu dandeessu.

Akkasumas dhaabbata biraa gorsa seeraa ykn gorsa biroo iyyattootaaf kennu kamiyyuu qunnamuu dandeessu.



DIRQAMOONNI KEESSAN MAALI?

SEERA BIYYA KANAA KABAJUU



BIYYA EEGUMSA IDIL-ADDUNYAA KEESSATTI IYYATTAN KEESSA TURAA



Biyya EU+ biraa deemuuf hin yaaliinaa. Gara biyya EU+ kan biraa deemuun kan isiniif eeyyamamu yoo aangawoonni isiniif eeyyaman qofa.

AANGAWOOTANI ISIN ARGACHUU AKKA DANDA'ANII FI BEELLAMA AKKA KABAJJAN MIRKANEFFADHAA



Yeroo aangawoonni isin gaafatan hundatti beellama hunda qaamaan argamuu qabdu. Yeroodhaan achitti argamuu qabdu. Sababa cimaan beellama irratti argamuu yoo dadhabdan hatattamaan aangawoota beeksisaa akkasumas sababa isaa ibsaa.



AANGAWOOTA GUUTUMMAATTI TUMSUU

Yeroo gaafatamtu kanneen armaan gadii gochuu qabdu.

- Iyyata keessan deeggaruuf odeeffannoo dhuunfaa keessan, sanadoota fi odeeffannoowwan barbaachisoo biroo dhiyeessaa.



- Sanada eenyummaa dhiyeessuu. Yoo hin qabdan ta'e maaliif akka ta'e ibsaa.



- Ashaaraa qubaa fi suuraan keessan akka kaafamu taasisuu.



- Iyyata keessan guyyaa fi bakka murtaa'etti galchuu.
- Af-gaaffii dhuunfaa irratti argamuun yeroo af-gaaffii gaaffii deebii kennuu.



- Yoo aangawoonni gaafatan sakatta'amuu fi meeshaa keessan sakattasisuuf, eeyyamamuu qabdu. Sakatta'iinsi bakka barbaachisaa fi sirrii ta'etti qofa kan raawwatamu ta'a. Aangawoonni sababa sakatta'iinsa kanaa ni ibsu. Sakatta'iinsi kun nama saala keessan wajjin wal fakkaatuun kan raawwatamu yoo ta'u, haala kabaja keessan eegeen kan raawwatamu ta'a.

DHUGAA DUBBADHAA



Wanti isin jettan amanamummaa iyyata keetiif baayyee barbaachisaa dha. Kanaafidha waa'ee eenyummaa keessanii, maatii keessanii, biyya irraa dhuftan, sababoota eegumsa idil-addunyaa gaafachuuf odeeffannoo guutuu fi sirrii ta'e kennuu kan isin barbaachisu.

Wanta hunda yaadachuu dhiisuu maltu kanaaf gaaffilee hunda deebisuu dhabuu dandeessu. Haala kana keessatti deebii hin kalaqiinaa malee waan hin yaadanne ibsaa.

ODEEFFANNOO QUNNAMTII SIRRII DHIYEESSAA ARGAMAAS



Iyyata eegumsa idil-addunyaa argachuuf qabdan ilaalchisee aangawoonni isin qunnamuu danda'uu qabu.

Yoo teessoon, imeeliin ykn lakkoofsi bilbilaa keessan jijjiirame, battalatti aangawoota beeksisaa.

! Yaadadhaa, yeroo iyyanni keessan qoratamutti Laativiyaa keessaa bahuu hin qabdan.

Yoo gidduugala keessa akka buufattan godhamtan, eeyyama aangawootaa malee eessattuu socho'uu hin qabdan.

ODEEFFANNOO FI SANADOOTA IYYATA KEESSAN DEEGGARAN HUNDA EEGDUU DAANGAA MOOTUMMAA FI WAAJJIRA DHIMMA LAMMUMMAA FI GODAANSAAF DHIYEESU

Yoo danda'ame af-gaaffii dhuunfaaf akka hin affeeramnee fi adeemsi isaa baayyee gabaabaa ta'ee guyyoota muraasa qofa ykn sa'aatii muraasa qofa kan fudhatu ta'uu danda'a. Kanaaf sababoota fi wantoota haaraa irra deebitee iyyachaa jirtu hunda osoo hin tursiisin aangawootatti himuun keessan barbaachisaa dha.

Sanadoota orijinaala, bakka danda'ametti dhiyeessu qabdu. Sanada sobaa dhiyeessuu hin qabdan.




Yeroo iyyata keessan galchitan odeeffannoo fi sanadoota hunda daftanii dhiyeessu qabdu. Yoo sanadoota battalatti of harkaa hin qabaanne, hanga danda'ametti murtoon iyyata keessanii hanga murtaa'utti, poostaadhaan , imeeliidhaan Waajjira Dhimma Lammummaa fi Godaansaa irratti galchuu qabdu.



DIRQAMOOTA KEESSAN YOO HIN KABAJNE MAALTU DHUFA?

ADEEMSI KOOLUUGALTUMMAA KEESSANII NI DHAABBATA



Iyyanni keessan akka **addaan cite ykn kufaa ta'etti** laalama. Kana jechuun sadarkaa iyyataa eegumsa idil-addunyaa fi mirgoota kanaan walqabatan hunda dhabuu dandeessu jechuudha.

Kun kan ta'u yoo isin kana diddan:

- yeroo gaafatamtan odeeffannoo kennuu yoo diddan
- ashaaraa qubaa ykn suuraan keessan kennuu yoo diddan
- teessoo keessan dhiyeessuu
- yeroo af-gaaffii dhuunfaa gaaffileef deebii kennaa, maal is yoo ta'e

Akkasumas yoo isin:

- sababa cimaa malee yeroo murtaa'e keessatti iyyata keessan yoo hin galchine
- sababa qabatamaa malee af-gaaffii dhuunfaa irratti argamuu dhiisuu
- yeroo gaafatamtanitti aangawootatti yoo hin gabaasne
- bakka akka turtaniif isinitti himame keessa turuu dhiisuu
- aangawoonni yoo isin argachuu dadhaban
- biyyicha yoo gadhiifan

Akkasumas adeemsa kooluugaltummaa yeroo barbaaddanitti iyyata keessan addaan kutuu murteessuu dandeessu, fakkeenyaaf, gara biyya keessanitti deebi'uuf yoo murteessitan. Haala kana keessatti sadarkaa iyyataa eegumsa idil-addunyaa ta'uu keessan ni dhabdu.

DEEGGARSII FI TAJAJILOONNI SIMANNAA MURAASNI NI HIR'ATU YKN NI HAQAMU



Haalota tokko tokko keessatti, aangawoonni gosoota deeggarsaa ykn tajaajila tokko tokko hir'isuuf ykn haquuf murteessuu danda'u. Aangawoonni haala keessan erga madaalanii booda waa'ee murtii akkasii barreeffamaan isin beeksisu.

Odeeffannoo dabalataa barruu adda biraa irraa argachuu dandeessu.

IYYANNI KEESSAN HUBAMUU DANDA'A

Odeeffannoo dogoggoraa ykn sobaa eenyummaa keessan ykn iyyata keessan wajjin walqabatu yoo kennitan, ykn sanadoota yoo balleessitan ykn kan sobaa hojjetan, kun iyyata keessan irratti dhiibbaa hamaa fiduu danda'a, fakkeenyaaf akka armaan gadiitti.



- Iyyanni keessan fudhatama dhabuu fi eegumsa idil-addunyaa argachuu dhiisuu dandeessu.

- Iyyanni keessan qajeelfama kooluugaltummaa daangaa keessatti qoratamuu danda'a (yoo kun ta'e, qajeelfama irratti odeeffannoo addaa ni argattu).

Akkasumas yoo boodarra aangawoonni yeroo adeemsa kooluugaltummaatti dhugaa akka hin dubbanne hubatan eegumsi idil-addunyaa isinirraa fudhatamuu danda'a.



YOO BARBAADDU TA'E DEEGGARSA ADDAA ARGACHUU DANDEESSU

Deeggarsa addaa yoo barbaaddan daftanii aangawoota beeksisuu qabdu. Fedhiiwwan kun haalawwan adda addaa kanneen akka ulfaa, dhukkuba ykn muuxannoo jeequmsa sammuu, qaamaa ykn saalaa irraa ka'uu danda'u.

Angawoonni haala keessan ni madaalu, akkasumas adeemsa kooluugaltummaa keessatti hirmaannaa keessan mijeessuuf deeggarsa dabalataa kennuu danda'u. Fakkeenyaaf, dhimma keessan irratti hojjetoota addaa ramaduu ykn dheerina adeemsa kooluugaltummaa sirreessuu danda'u.





BIYYA KEESSANITTI DEEBI'UU YOO BARBAADDAN MAALTU TA'A?

Yeroo kamiyyuu adeemsa kooluugaltummaa keessatti, fedhii keessaniin gara kanneenitti deebi'uu murteessuu dandeessu:

- biyya keessanitti ykn
- biyya dabarsaa ykn biyya sadaffaa kan biraa, yoo mirga isaa qabaattan.

Yoo fedhii keessaniin deebi'uuf murteessitan, adeemsi kooluugaltummaa keessan ni dhaabata ykn ni fudhatama, kana booda mirga Laativiyaa keessa turuu hin qabdan.

Yoo fedhii keessaniin deebi'uu barbaaddan, Eegduu Daangaa Naannoo ykn Waajjira Dhimma Lammummaa fi Godaansaa. Imeelii Eegdota Daangaa Naannoo: pasts@rs.gov.lv. Waajjira Dhimma Lammummaa fi Godaansaa imellii: pasts@pmlp.gov.lv. Nagaa fi seeraan deebi'uuf gorsa akkasumas deeggarsa argachuu dandeessu.





MIRKANEESSA ODEEFFANNOO FUDHACHUU

Oofishaalli odeeffannoo kana fudhachuu keessan akka mirkaneessitan isin gaafata

Wanti wayii yoo isiniif hin galle ykn gaaffii dabalataa qabaattan yeroo hundaa gaafachuu dandeessu.



Barruun kun kaayyoo odeeffannoo qofaaf kan qophaa’edha. Ofii isaatii mirga ykn dirqama hin uumu. Ejensiin Koolugaltummaa Gamtaa Awurooppaa (EUAA) qaama ijoo meeshaa kanaa kan kenne yoo ta’u, barruu kana baay’isuu fi jijjiiruun Biyyoota Miseensota Gamtaa Awurooppaa qofaaf EUAA tiinn eeyyamameera. EUAA odeeffannoo barruu kana keessatti Biyya Miseensa Gamtaa Awurooppaatiin itti dabalaman sirrii ta’uu, qabiyyee, guutummaa, seera qabeessummaa ykn amanamummaa isaatiif itti gaafatamummaa hin fudhatu EUAA nis ta’e namni EUAA bakka bu’ee hojjetu kamiyyuu odeeffannoo barruu kana keessatti argamutti fayyadamuu danda’uuf itti gaafatamummaa hin qaban.

© Ejensii Koolugaltummaa Gamtaa Awurooppaa, 2025